



«ԻՆՏԵՐԱԿՏԻՎ ԿՐԹՈՒԹՅԱՆ ՉԱՐԳԱՑՈՒՄ»
ՀԻՄՆԱԴՐԱՄ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ,
ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ
ՆԱԽԱՐԱՐՈՒԹՅՈՒՆ

ՀԵՏԱԶՈՏԱԿԱՆ ԱՇԽԱՏԱՆՔ

**ՀԵՐԹԱԿԱՆ ԱՏԵՍԱԿՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ԿԵՐԱՊԱՏՐԱՍՏՄԱՆ ԴԱՍԸՆԹԱՑ
2022**

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Մարդ - բնություն փոխհարաբերությունը Սահյանի պոեզիայում՝ որպես ռազմավարություն, սովորողների ճանաչողական հմտությունները, կարողություններն ու ստեղծագործական մտածողությունը զարգացնելու գործում

Առարկա՝ Գրականություն

Հեղինակ՝ Աննա Մնացականյան

Մարզ՝ Արագածոտն

Ուսումնական հաստատություն՝ Արագածի թիվ 2 մ/դ

ԲՈՎԱՆԴԱԿՈՒԹՅՈՒՆ

- Ներածություն.....3
- Գլուխ 1. Սահյանը որպես բնության երգիչ.....5
- Գլուխ 2. Բնությունն ու մարդը 3. Սահյանի ստեղծագործություններում.....7
- Գլուխ 3. <<Անտառում>> բանաստեղծության ուսուցումը.....8
- Գլուխ 4. <<Մասրենին>> բանաստեղծության ուսուցումը.....11
- Եզրակացություն.....14
- Գրականության ցանկ.....15

Ներածություն

Աչքն ու ականջն են մայր բնության,

Գիտակցությունն են նրա մարմնավոր...

Մարտիրոս Սարյանն ասել է. «Մարդը բնություն է, բնությունը՝ մարդ»։ Համո Սահյանի պոեզիան դրա վառ արտահայտությունն է։ Բանաստեղծը երկար ճանապարհ է անցել՝ իրեն բնության մի մասնիկն զգալու և նրա հետ ու նրա միջոցով հավերժելու համար։ Ինչպես ինքը՝ Սահյանն է խոստովանել՝ սկզբում նա բնությունը տեսել-զգացել է իր միջոցով, ապա հասուն տարիներին ձգտել է իրեն հասկանալ բնության միջոցով։ Սա մի ամբողջ թռիչք է նրա բանաստեղծական մտածելակերպի մեջ։

Բնության մեջ է մարդը ինքնակատարելագործվում և ինքնաստեղծվում, նրա բնապաշտական տողերում տեսնում ենք աշխարհի, բնության հետ մարդու հարազատությունը, անբաժանելիությունը, կեցության հուզապարար զգացումը, բարության լույսը։ Համո Սահյանի պոեզիայում քարերը հայի սիրտ ու հոգի ունեն։ Նույնիսկ իր պաշտելի և իմաստուն Խաչի պապի ու ծանրանիստ, մամռակալած ժայռի միջև նմանություն է տեսնում բանաստեղծը։ Մեր գրականության մեջ, մասնավորապես պոեզիայում, ըստ իս, ոչ ոք այնպես չի հասկացել հայոց քար ու քարափների, ասել է թե՛ մայր բնության լեզուն, ինչպես Համո Սահյանը։

Մեզնից յուրաքանչյուրն իր Սահյանն ունի։ Ամեն մեկը, ով քիչ թե շատ պոեզիա է սիրում ու հասկանում, պոետին յուրովի է բացահայտում։ Ես էլ իմ Սահյանն ունեմ՝ մեր պոեզիայում մեծագույն բնանկարիչ Համո Սահյանը։ Նրա պոեզիայում ստվերներ չկան, ամբողջովին լույս է։ Բնությունն է նրա ամենահարազատ տարերքը, և հատկապես այստեղ է նա հզոր և անմրցակից։ Չեմ կարող չասել, որ, այնուամենայնիվ, նրա բանաստեղծական տան համար ամենաշատ օգտագործված շինանյութը արևից խանձված, անձրևից ու հողմերից ծեծվածթրծված քարերն ու քարափներն են, որոնք հղկել, գոհարների փայլ է տվել Համո Սահյանը և կառուցել բանաստեղծական իր սրբազան տաճարը, որի անունն է Հայաստան։

Թեմայի արդիականությունը: Թեման արդիական է այն առումով, որ սովորողին հնարավորություն է ընձեռնում վեր հանելու, րնկալելու, ճանաչելու բնապաշտական պոեզիայի իմաստասիրական շերտերը։ << Մարդն իր կորցրած ազնվությունը բնությամբ կարող է գտնել >> : Սա է Սահյանի բնապաշտական պոեզիայի առանցքը։

Սահյանական բնությունն է մարդուն մղում դեպի ազնիվը, բարին, գեղեցիկը և մարդկային հոգին գտնում է իր արդիականությունը, ազատությունը: Բնության մեջ է մարդը ինքնակատարելագործվում և ինքնաստեղծվում: Նրա բնապաշտական տողերում տեսնում ենք աշխարհի, բնության հետ մարդու հարազատությունը, բարության լույսը, կեցության հոգեպարար զգացումը:

Սահյանի երգի ժամանակը հավիտենությունն է և այդ ժամանակի անսամանության մեջ մարդը քննության է ենթարկվում՝ զուգահեռվելով բնության հետ:

Նպատակը: Նորովի ուսումնասիրել Սահյանի բնապաշտական պոեզիան՝ իր իմաստասիրական, դաստիարակչական, ճանաչողական շերտերով, որը սովորողի մեջ կարթնացնի ստեղծագործելու մտածողության, մղի ինքնակատարելագործման, ինքնաճանաչման: Սովորողը գնահատի բնության ու մարդու ներդաշնակությունը, բացահայտի ինքն իրեն, ինքնակազմակերպվելու հմտությունն ձեռք բերի:

Միջառարկայական կապեր: Սահյանի բնապաշտությունը ուսումնասիրելու ընթացքում կապ ստեղծել կենսաբանության, նկարչության, երաժշտության, տեխնոլոգիա, աշխարհագրությունն առարկաների հետ:

Կենսաբանության ուսուցիչը կձանոթացնի, կբացատրի, տեքստերում հանդիպող բույսերի ու կենդանիների մասին: Սովորողները կնկարեն պաստառներ, դեկորներ կստեղծեն: Աշխարհագրության ժամին սովորողներն կձանոթանան հայկական լեռնաշխարհին, բնության երևույթներին:

Աշխատանքի խնդիրը: Աշխատանքի նպատակից բխում են հետևյալ խնդիրները՝

- Ուսումնասիրել Սահյանի բնապաշտական պոեզիան
- Նկարագրել մարդ-բնություն կապի արդիականությունը
- Վեր հանել սովորողի ճանաչողական հետաքրքրությունները
- Խթանել սովորողների ստեղծագործական կարողունակությունը
- Չարգացնել սովորողների ինքնաճանաչողությունը բնության միջոցով

ԳԼՈՒԽ 1

ՍԱՀՅԱՆԸ ՈՐՊԵՍ ԲՆՈՒԹՅԱՆ ԵՐԳԻՉ

Ինչպես ամեն արվեստագետ, Համո Սահյանը ևս ուներ իր նախասիրած թեմաները, բանաստեղծական իր անկյունը, իր ներշնչարանը: Դա լեռնաշխարհի բնությունն է, հարազատ Որոտանի եզերքը, որն այնքան գույներ ու բույրեր է պարզևել նրա պոեզիային: “Նա բնության մեջ փնտրում էր մարդուն” այսպես է ներկայացրել Սահյանին իր ընկեր Շչորս Դավթյանը: Համո Սահյանի պոեզիան մի ուրիշ աշխարհ է: Տարբեր բանաստեղծություններում, ինչպես նաև հոդվածներում ու հարցազրույցներում Սահյանը բազմիցս անդրադարձել է ստեղծագործական հարցերի, փորձել ինքն իրեն ու ընթերցողին հասկանալի դարձնել իր բանաստեղծի եղությունը:

Իր ամենավերջին բանաստեղծությունը կոչվում է «Իմ քարափներն ու ես»: Երբ ասում է՝ ինձ բացակա չլնեք, նա քարափներին էր հորդորում, որ ստեղծվի իր անմահությունը:

Ես եմ քարե պատարագ,

Ձեզնից սերված, ընդունեք;

Անվերջ, անշարժ ձեր երթում

Ինձ բացակա չլնեք...

Այն հարցին, թե ինչու <<քարափների երգը>> սկսվել ու չի ավարտվում, Համո Սահյանը պատասխանել է. << Քարափների երգը բնության մարդկայնացման և մարդու բնականացման խնդիրն է, որն արվեստի մեջ երբեք չի ավարտվելու, իսկ ինձ համար այն ավարտվելու է իմ կյանքի հետ: // Համո Սահյան, Գրչի, խոսքի, խղճի կշիռը, էջ 176//

Սահյանի գործերում սփռված են բնության տարրերի, մարդկայնացման՝ անձնավորման կամ դիմառնության հարյուրավոր դեպքեր:

Գետը՝ Որոտանը, բանաստեղծի հարազատ եղբայրն է, եղեգը մարդահասակ է:

Ձորը ուզում է կուլ տալ արեգակին, սա խաբում ու հեռանում է, ձորը խռովում է: Քամին համբուրում է տերևին և ծիծաղում անտառի վրա: Մարդիկ զարմանում են իր արտասովոր արհեստի վրա, թե ինչպես է ինքը քարափը դարձնում պոզավոր մի եզ, ամպը՝ հարսնացու աղջիկ, լեռնային գետը նժույգին նստած հեծյալ: Ուրեմն բանաստեղծի արհեստը բնության մարդկայնացումն է, և Սահյանը բացատրում է, որ դրանով ինքը որոնում է իրեն, արհասարակ մարդուն: Այսինքն, մարդու անմահությունը նա տեսնում էր բնության հետ միախառնվելու մեջ:

Բայց ես նրանց մեջ ինձ եմ որոնում

Ձեզ եմ որոնում: Որոնում եմ ես

Ոտքերը հողոտ, ճակատն արևոտ

Իմ սրտի ուզած, մարդամետ մարդուն

Նա բնության մեջ փնտրում էր մարդուն: Մարդու մեջ փնտրում էր բնականը: Եվ ես այդ սահմանումն արել եմ: Կոչվում էր «Անձնավորված, շնչավորված բնություն և բնական մարդ»: Հետագայում իր բանաստեղծություններով ուզում էր գրականագիտությանը հասկացներ, որ ինքը բնության երգիչ չէ, ով էլ ասես՝ բնությունը կնկարագրի, կերգի: Եվ այդ քարը, քարափը բացարձակապես մարդկային զգացմունքներ էր արտահայտում: Դա քարափի նկարագրությունն չէ: Ինքը նույնիսկ կարող էր տերևի, խոտի, ծաղկի մեջ իմաստ տեսնել:

Գլուխ 2

Բնությունն ու մարդը Հ Սահյանի ստեղծագործություններում

Բնությունը մեծ դեր ունի 19-20-րդ դարերի հայ բանաստեղծների ստեղծագործություններում: Նրանց աշխարհում մարդու կյանքը և բնության տարերքը համահունչ են, փոխկապված. դա միասնական ապրող ու շնչող կենսագոյություն է: Բնությունն է տնօրինում մարդկանց ճակատագիրը, մարդը ծուլված է բնությանը, նաև մաքառում է նրա դեմ, նվաճում իր կենսական իրավունքը: Բնությունն ու մարդը ենթարկվում են միևնույն բիրտ օրենքների:

Մարդը բնության զավակն է. խաթարվում է բնությունը, խաթարվում է և մարդը: Մարդը բնությունից է քաղում իր հոգևոր գեղեցկությունները, ապրումները, հաղորդակցվում բնությանը: Բնաշխարհն է ձևավորում մարդկանց հոգեբանությունը: Գլխավոր նախապայմանը բնության ակունքներին մոտ լինելն է: Հայ հոգևոր մշակույթի շրջանակներում բնության նկատմամբ ձևավորվել է հատուկ բանաստեղծական վերաբերմունք: Սակայն բնության պոեզիայում նկատվում են դառնության շեշտեր. բնությունը եղծվում, աղավաղվում է քաղաքակրթության ավերիչ շնչից, մարդը հեռանում է բնությունից, օտարվում, և դրանով էլ դատարկվում, արժեզրկվում, աղքատանում է մարդկանց էությունը...

Համո Սահյանի ստեղծագործության մեջ իր հաստատուն տեղն է գրավում բնությունը, ինչի համար էլ բանաստեղծին անվանում են «բնության երգիչ»:
Բնությունը բազմաթիվ բանաստեղծների ստեղծագործության թեման է: Սահյանը շատ հաճախ է անդրադառնում բնությանը, նա լավ է հասկանում բնության լեզուն, նա սերտ կապված է իր մայր հողին, քարափներին, ձորերին, կիրճերին և գետերին: Սահյանը տուրք է տալիս հավերժ բնությանը:

Համո Սահյանի համար բնությունը մերթ մանկության վերհուշ է, մերթ հասարակական երևույթների մասին խորհելու առիթ, մերթ մարդկային կյանքի, զգացմունքների իմաստավորում, մերթ աշխարհընկալման և ինքնաճանաչման միջոց:

Գլուխ 3

<<ԱՆՏԱՌՈՒՄ>> ԲԱՆԱՍՏԵՂԾՈՒԹՅԱՆ ՈՒՄՈՒՑՈՒՄԸ

Անտառում ամպի ծվեններ կային,

Կապույտ մշուշներ կային անտառում.

Օրոր էր ասում աշունն անտառին.

Բայց դեռ անտառի քունը չէր տանում:

Բնությունը որպես թեմա, հենց սկզբից հարազատ է եղել Համո Սահյանին: Նրա ստեղծագործություններում բնապատկերը փիլիսոփայական իմաստ և խորհուրդ է ստանում, առնչվում տիեզերքի և մադու ճակատագրի հետ: Սահյանական բնությունը հայոց երկրի Չանգեզուր կամ Սյունիք լեռնաշխարհն է: Բնապատկերի բաղադրիչները անվանական հերոսներ են՝ լեռներ, ձորեր, գետեր: Անգամ անշունչ երևույթները անձնավորված ու ապրող են իր բանաստեղծություններում:

<<Անձնավորված, մարդացած բնություն և բնական մարդ. ահա իմ հավատո հանգանակը կյանքում և արվեստում>>,- ասել է նա: Սահյանի բնությունը մտածող է, հասկացող, նրա բաղադրիչները ապրում են, ունեն կյանքի պատմություն: <<Անտառում>> բանաստեղծությունը անտառային ձայներով, բույրերով ու գույներով, գոյության հավասարազոր կերպարներով՝ որսկան, փայտահատ, կենդանիներ՝ եղնիկն ու իր հորթը, ու բույսեր կաղնի, իրար հետ զրուցող սոճի ու եղևնի: Հետո բնության պատկերը կարծես իր արտացոլանքն է գտնում վայրի նշենու ու արծաթված սունկի տեսքով: Չորրորդ քառատողում հեղինակը բնության մաս է

դարձնում եղևիկին ու իր հորթին: Նրանք կարծես միաձուլված են բնությանը, իսկ որսկանը նրանց կորած հետքերն է որոնում:

Կենդանի հերոս է փայտահատը, ով շարունակում է իր տաք սղոցը յուղել և բնության պատկերի մի մասը կազմել: Անտառի պատկերից զատ, հեղինակը տալիս է նաև անտառապահի տան, վառվող խարույկի և իրար հետ զրույց անող եղևնու և սոճու պատկերը: Վերջին քառատողով հեղինակն ամփոփում է անտառում տիրող խորհուրդը: Մարդու և բնության ներդաշնակության և անխախտելիության օրինաչափությունը:

Անտառում խորին խորհուրդներ կային

Եվ արձագանքներ կային անտառում,

Օրոր էր ասում աշունն անտառին,

Սակայն անտառի քունը չէր տանում:



Սովորողների մոտ ճանաչողությունը ավելի լավ զարգացնելու, բնությունը սիրելու, ստեղծագործելու կարողությունը ձևավորելու համար, ուշ աշնանը կազմակերպել արշավ-էքսկուրսիա մոտակա անտառ: Սովորողներին ուղղորդել, որ յուրաքանչյուրն ինքնուրույն ուսումնասիրի և իրեն <<գտնի>> բնության մեջ, նմանեցնի անտառին: Ըստ նախասիրությունների՝ սովորողներին առաջարկել ստեղծել բնապատկերներ, գրել բանաստեղծություն, շարադրություն:

Գլուխ 4

<<ՄԱՍՐԵՆԻՆ>> ԲԱՆԱՍՏԵՂԾՈՒԹՅԱՆ ՈՒՍՈՒՑՈՒՄԸ



Պտուղդ քաղող չկա,
Մասրենի, սարի մասրենի,
Պատիվդ պահող չկա,
Մասրենի, բարի մասրենի:
Ասում են՝ էլ մարդ չկա,
Որ փնտրի քնքշանքդ փշոտ,

Քեզ գրկի ու տաքանա,

Մասրենի, ժայռի մասրենի:

<<Մասրենի>> բանաստեղծությունը զետեղված է <<Այստեղ սարեր կան սարերի վրա>> շարքում: Նվիրել է հայ բնաշխարհի մեծ նկարիչ Սարյանին: Այստեղ մասրենու թուփ Սարյանը դառնում է Հայաստանի խորհրդանշան, որը, դիմագրավելով ամեն տեսակի դժվարություններին, ապրում է հարատև կյանքով: Մասրենին ինքը Հայաստանն է: Այս բանաստեղծության մեջ հայ ժողովրդի պատմական հոգեբանության պատկերն է: Մասրենու թփի մասին Սահյանը գրել է. <<Մասրենին ինձ համար ճգնավորության, շռայլության, համեստության և դիմացկունության խորհրդանիշ է>>, <<Մարդը շատ բան ունի սովորելու ծառից: Մասրենին որտեղ էլ բուսած լինի մնում է մասրենի: Գոյության համար մասրենու արմատն ու փուշը հավասար կռիվ են տալիս>>: Ի վերջո բանաստեղծը ամփոփում է. <<Մասրենին ես եմ>>: Իսկ այդ ես-ը հենց հայ շողովուրդն է: <<Մասրենին չգիտեր, որ ինքը հայ է, հայի բնավորություն ունի: Իրար նման են Հայաստանն ու մասրենին, բանաստեղծն ու մասրենին>>: Հայաստանը՝ որպես ժողովրդի պատմություն, բանաստեղծը՝ որպես հայ մարդու ճակատագիր:

ՄԱՍՐԵՆԻՆ ԻՄ ԵՐԿՐԻ ԿԵՐՊԱՐՆ Է

Երաշտ տարին էլ լավ պտուղ է տալիս, մի քանի անգամ ծաղկում՝ կանաչում է, սպիտակում, դեղնում, կարմրում...: Խեղճ, բաշխող, բայց և փշեր ունի:

Օտարն ինձ պիտի ճանաչի մասրենու թփով՝ ժայռի մեջ խրված: Ամենալավ բույրն ունի, գույնն ունի, պտուղն ունի: Արմատը խոր, պիրկ, ամուր, հապա փորձիր պրկել...

Մասրենին ինքը չգիտե, որ այդքան բուժիչ է, այդքան գեղեցիկ, այդքան պիտանի: Մասրենին չգիտե և չէր էլ կարող իմանալ, որ ինքը հայ է, հայի բնավորություն, որ այնքան բնորոշ է մեր ազգին:

Դա մենք պիտի իմանանք և ներկայացնենք այլոց էլ:

Մասրենին Թումանյանի ժայռի արժեքն ունի...


Մասրենու եռությամբ պիտի նաև ինքներս մեզ ճանաչենք:

ՀԱՄՈ ՍԱՅՅԱԼ

Կազմակերպել դաս-գրույց «Մասրենին ես եմ» թեմայով: Սովորողները արտահայտում են հետաքրքիր մտքեր, համեմատական բնութագրեր են կազմում, զուգահեռներ տանում հայի ու մասրենու միջև: Յուրաքանչյուրը մասրենու բնորոշումներից նշում է այն հատկանիշը, որը ունի և որը կուզենար ունենալ:

Համո Սահյանը իր պոեզիայում բնությունը նկարագրում է միևնույն ժամանակ լուռ, ու աղմկոտ, ոչինչ չասող ու ամեն ինչ ասող, անկոտրում ու սրտաբաց, արթուն բայց քնած: Սահյանի պոեզիան առանձնանում է նրանով, որ կարծես նա զգա բնությունը, մարդկանց հոգեվիճակը, հոգին: Եթե Սահյանը ապրեր ներկա ժամանակում, կարծում եմ միզուցե և շատ ազդեցիկ մտքերով ազդեր ներկա ժամանակաշրջանի մարդկության վրա: Սահյանի բանաստեղծություններում բնություն-մարդ կապը համակապակցված են, նա չի առանձնացնում մարդունբնությունից, չէ որ մարդը բնության մի մասնիկն է:

<<Ես կարծես աշխարհայացքով ինձ մի փոքր նման հոգի գտա>>



ԵՉՐԱԿԱՑՈՒԹՅՈՒՆ

Կատարելով այս հետազոտական աշխատանքը՝ եկա այն եզրակացության, որ Սահյանի բնապաշտական ստեղծագործությունները նորովի մատուցմամբ սովորողի մոտ ձևավորում և զարգացնում են ստեղծագործելու կարողունակությունը, ինքնաճանաչումը, կայունանալու հաստատակամությունը: Բնություն-մարդ կապն այն մեծ ուժն է, որը կարող է սովորողի մտահորիզոնն ընդլայնել, զարգացնել ճանաչողությունը: Սիրելով բնությունը՝ սովորողների մոտ զարգանում է մարդասիրությունը: Եթե ներդաշնակ ես բնության հետ, սիրում ես բնությունը, մարդուն նույնացնում ես բնությանը, համարում եմ նրա մի մասնիկը, ուրեմն սիրում ես մարդուն և կարողանում ես հանդուրժել: Սահյանի բնապաշտական պոեզիան սովորեցրեց պայքարել, մասրենու պես կպած մալ քարեղեն, ժայռեղեն երկնքին ու երկրին: Սահյանով սովորողը ճանաչեց հային, Չայաստանը, բացահայտեց ու ընկալեց արժանապատվության գաղափարը: Սովորողները ընկալեցին, որ բնությունը ներշնչանք է, բնությունը ճանաչողություն է, բնությունը ուսուցանող, կերտող, կոփող, բնավորություն ու արժեհամակարգ ձևավորող ուժ է: Բնությունը մարդն է, բնությունը ես եմ: Սովորողները բնության մեջ տեսան, ճանաչեցին, գնահատեցին և սիրեցին մարդուն:

ԳՐԱԿԱՆՈՒԹՅԱՆ ՑԱՆԿ

- Լևոն Մկրտչյան, Զրույցներ բանաստեղծի հետ // նվիրված է բանաստեղծ Ջամո Սահյանին// << Սովորական գրող>>, Երևան 1988
Սովետահայ գրականության պատմություն, երկրորդ հատոր //1941-1964//
- Ս. Աղաբաբյան, Արդի հայ գրականության պատմություն, հ.2, Ե., 1993, էջ 336-361
- Յ. Ջովկաթան, Խոսում է Ջամո Սահյանը, Երևան 1992
- Ջամո Սահյան, Գրչի, խոսքի, խղճի կշիռը, Ե., 2003 (Սահյանի հողվածներն ու հարցազրույցները)
- https://banduryanasya.wordpress.com/2020/04/02/%D5%A2%D5%B6%D5%B8%D6%82%D5%A9%D5%B5%D5%B8%D6%82%D5%B6%D5%A8-%D5%BD%D5%A1%D5%B0%D5%B5%D5%A1%D5%B6%D5%AB%D5%BA%D5%B8%D5%A5%D5%A6%D5%AB%D5%A1%D5%B5%D5%B8%D6%82%D5%B4/?fbclid=IwAR0i6tm9kMNnSN2kKLP1Z23zOhmrt7E_UnxT8ACeGNWwRI34_nUOgLE8L4U
- <http://www.hayzinvor.am/26389.html?fbclid=IwAR1JI1EuGWr0w1zNypGyk1HLr9eQsrky1dp5g7ZtKykmGYCwP1DceEk98k>
- <https://milenadanielyan.wordpress.com/2020/04/02/%d5%a2%d5%b6%d5%b8%d6%82%d5%a9%d5%b5%d5%b8%d6%82%d5%b6%d5%a8%d5%bd%d5%a1%d5%b0%d5%b5%d5%a1%d5%b6%d5%ab%d5%ba%d5%b8%d5%a5%d5%a6%d5%ab%d5%a1%d5%b5%d5%b8%d6%82%d5%b4/?fbclid=IwAR2PhallG8p2Czbpml978cigUGFJbm4eUf0ks7pax48AoDWtGV0PEHX9Ca4>
- <http://asekose.am/am/post/na-bnoutyan-mej-pntroum-ermardounhamosahyani-enkere-nra-masin?fbclid=IwAR0XHo99u75qttotzDTZHt4bqE8IibPe62hPVFpjCWaYgBkhsxLDo--Mrl4>
- https://annaisaxanyan.wordpress.com/2021/04/13/%d5%bd%d5%a1%d5%b0%d5%b5%d5%a1%d5%b6%d5%a8%d5%b8%d6%80%d5%ba%d5%a5%d5%bd-%d5%a2%d5%b6%d5%b8%d6%82%d5%a9%d5%b5%d5%a1%d5%b6%d5%a5%d6%80%d5%a3%d5%ab%d5%b9/?fbclid=IwAR3DBJ7f1pvqO26DKXU2rB9_6Axyd_TY8dzpAx2JOwwQCt1_6CdIPFMooU